



SERI Paduka Baginda Yang di-Pertuan Agong (tengah) berangkat pulang setelah selesai melakukan upacara meletakkan kalungan bunga di Tugu Peringatan Negara, semalam, sempena Hari Pahlawan.

Seri Paduka Baginda diiringi oleh Perdana Menteri, Datuk Seri Dr. Mahathir Mohamad (kiri). Keberangkatan pulang Seri Paduka juga diiringi oleh pegawai-pegawai tertinggi tentera. — Gambar Berita Harian.

Pahlawan yg gugur di peringati

KUALA LUMPUR, Jumaat — Tiupan 'Last Post' sayup kedengaran di Tugu Peringatan Negara di sini awal pagi ini menandakan bermulanya upacara meletak kalungan bunga sempena Hari Pahlawan — mengenang jasa-jasa Pahlawan Negara.

Upacara yang diadakan sejak tahun 1944 lagi itu didahului oleh Seri Paduka Baginda Yang di-Pertuan Agong.

Kemudian diikuti oleh Perdana Menteri, Datuk Seri Dr. Mahathir Mohamad, Panglima Angkatan Tentera, Jeneral Tan Sri Mohamed Ghazali Seth, Ketua Polis Negara, Tan Sri Haniff Omar, Panglima Tentera Darat diwakili oleh Timbalannya, Lef-

tean Jeneral, Datuk Jaafar Onn, Panglima Tentera Laut, Laksamana Madya Datuk Mohamed Zain Salleh dan Panglima Tentera Udara, Lef-tenan Jeneral (U) Datuk Mohamed Taib.

Yang Dipertua Persatuan Bekas-bekas Perajurit Malaysia, Tan Sri Abdul Hamid Bidin dan Yang Dipertua Persatuan Bekas-bekas Polis Malaysia, Sheikh Haron Abdul Raof juga diberi penghormatan meletakkan kalungan bunga peringat Kebangsaan itu.

Di keempat penjuru Tugu, empat orang anggota mewakili tentera darat, udara, laut dan Polis memberi penghormatan 'vigil' sepanjang istiadat upacara tersebut.

Setelah upacara meletakkan kalungan bunga selesai, tiupan 'Rouse' dimainkan dan bendera Kebangsaan Negara dikibarkan dengan megah.

Sebelum itu, sebuah sajak berjudul 'Pahlawan' dideklamasikan dengan iringan lagu 'Pahlawan Ku' yang dimainkan oleh Pancaragam Pusat Kavalri Diraja.

Ini diikuti dengan upacara bertafakur selama 20 saat untuk mengenangkan roh-roh pahlawan yang terkorban.

Seri Paduka Baginda Yang di-Pertuan Agong, seibanya di Tugu Peringatan Negara kira-kira jam 8.00 pagi memeriksa kawalan kehormatan terdiri daripada 107 pegawai dan anggota 11 Melayu Diraja, Sungai Besi di bawah perintah, Mejar Zainuddin bin Zakaria.

Balas tabik

Seri Paduka Baginda yang memakai pakalan istiadat Pemerintah Tertinggi Angkatan Tentera juga membalas tabik kehormatan dari atas Peterana.

Turut menyaksikan upacara ringkas itu ialah Menteri-menteri Kabinet yang diketuai oleh Timbalan Perdana Menteri, Datuk Musa Hitam, Wakil-wakil diplomat asing, pegawai-pegawai kanan tentera dan pegawai-pegawai kanan Kerajaan.

Bahan asal dari Arkib
Negara Malaysia

No. Siri 12,065
No. Pendaftaran 408